

ZENIČKO-DOBOJSKI KANTON SKUPŠTINA

Komisija za izbor i imenovanja

Na osnovu člana 33. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18, 18/18-Isp., 7/19 i 7/20), a u vezi sa članom 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 24. stav (2), (3), (4) i (5) i člana 25., 26., 27. i 28. Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20 i 10/21), Komisija za izbor i imenovanja Skupštine Zeničko-dobojskog kantona, na 3. sjednici, održanoj dana 19.12.2022. godine, o b j a v l j u j e:

J A V N I K O N K U R S za imenovanje članova Nezavisnog odbora

Nadležnosti i sastav Nezavisnog odbora

Nezavisni odbor je tijelo Skupštine Kantona koje objavljuje konkurs i provodi postupak odabira kandidata za policijskog komesara, prati rad policijskog komesara i obavlja druge poslove određene Zakonom o unutrašnjim poslovima Zeničko-dobojskog kantona. Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Nezavisni odbor. Nezavisni odbor se sastoji od sedam članova koji nisu zaposleni u Ministarstvu unutrašnjih poslova Zeničko-dobojskog kantona i Upravi policije kao i drugim ministarstvima unutrašnjih poslova i policijskim organima u Bosni i Hercegovini. Najmanje dva člana Nezavisnog odbora moraju biti diplomirani pravnici, odnosno osobe sa stečenom diplomom visokog obrazovanja pravne struke. Sastav Nezavisnog odbora odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštivanje spolne zastupljenosti.

Nadležnost Nezavisnog odbora je da:

- a) objavljuje i provodi javni konkurs za imenovanje policijskog komesara;
- b) vrši selekciju i predlaže rang listu kandidata za izbor policijskog komesara u skladu sa članom 36. Zakona o unutrašnjim poslovima Zeničko-dobojskog kantona;
- c) prati rad policijskog komesara i utvrđuje prijedlog godišnje ocjene o radu policijskog komesara;
- d) dostavlja godišnji izvještaj o svom radu Skupštini Kantona na usvajanje, a na zahtjev Skupštine Kantona sačinjava i dostavlja dodatni izvještaj o svom radu;
- e) predlaže razrješenje policijskog komesara Vladi Kantona u skladu sa Zakonom o unutrašnjim poslovima Zeničko-dobojskog kantona;
- f) prima, razmatra i postupa po podnesenim pritužbama na rad policijskog komesara i o tome obavještava ministra i Vladu Kantona;
- g) donosi poslovnik o svom radu uz saglasnost Skupštine Kantona.

Status

Članovi Nezavisnog odbora se imenuju na mandat od četiri godine. Mandat člana Nezavisnog odbora može se obnoviti samo jednom uzastopno. Nezavisni odbor je dužan najkasnije u roku od 15 dana od dana imenovanja, u punom sazivu, održati konstituirajuću sjednicu i usvojiti Poslovnik o radu na koji saglasnost daje Skupština Kantona. Članovi Nezavisnog odbora na prvoj konstituirajućoj sjednici između sebe biraju predsjedavajućeg, koji se po principu rotacije mijenjaju u skladu sa poslovníkom o radu. Nezavisni odbor se sastaje najmanje jedanput mjesečno. Nezavisni odbor može zasjedati ukoliko je prisutno pet od sedam članova.

Članovi Nezavisnog odbora imaju pravo na naknadu za rad u Nezavisnom odboru, utvrđenu Zaključkom Komisije za privredu, ekonomsku i finansijsku politiku, budžet i finansije Skupštine Zeničko-dobojskog kantona, kao i pravo na naknadu za troškove prevoza za svaki dolazak na zasjedanje Nezavisnog odbora.

Uslovi koje kandidati treba da ispunjavaju

Član Nezavisnog odbora mora ispunjavati sljedeće uslove:

- a) da je državljanin Bosne i Hercegovine;
- b) da ima visoku stručnu spremu najmanje VII stepen obrazovanja ili najmanje završen prvi ciklus visokog obrazovanja bolonjskog sistema studiranja sa 240 ECTS bodova i najmanje sedam godina radnog iskustva u struci, prioritarno u oblasti pravnih, kriminalističkih, kriminoloških, bezbjednosnih ili drugih društvenih nauka;

- c) da nije član političke stranke;
- d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- e) da u posljednje četiri godine nije bio član izvršnog ili zakonodavnog tijela, na bilo kojem nivou vlasti u Bosni i Hercegovini;
- f) da nije osuđivan za krivično djelo;
- g) da se protiv njega ne vodi krivični postupak;
- h) da mu nije izrečena disciplinska sankcija za teže povrede službene dužnosti;
- i) da nije u sukobu interesa u vezi sa radom Uprave policije i Ministarstva;
- j) da nije zaposlen u Ministarstvu unutrašnjih poslova Zeničko-dobojskog kantona i Upravi policije, kao i drugim ministarstvima unutrašnjih poslova i policijskim organima u Bosni i Hercegovini.

Sukob interesa

Član Nezavisnog odbora ne smije biti u sukobu interesa u vezi sa radom Uprave policije i Ministarstva. Sukob interesa postoji kada lice predloženo za imenovanje za člana Nezavisnog odbora ima lični interes u policijskim poslovima, koji može uticati na zakonitost, transparentnost, objektivnost i nepristrasnost u obavljanju poslova člana Nezavisnog odbora, kao i u drugim slučajevima propisanim zakonom.

U svrhu dokazivanja ispunjavanja propisanih uslova, kandidati su dužni uz prijavu na javni konkurs podnijeti (priložiti) slijedeću dokumentaciju, kao dokaze (originalne ili ovjerene kopije):

- uvjerenje o državljanstvu,
- diplomu o stečenoj stručnoj spremi,
- uvjerenje o radnom iskustvu u struci,
- izjavu ovjerenu kod nadležnog organa za dokazivanje ispunjavanja uvjeta iz tačaka c), d), e), h), i) i j) (ne stariju od šest mjeseci).

Dokaze o ispunjavanju uslova iz tačaka f) i g), Komisija za izbor i imenovanja će pribaviti po službenoj dužnosti od nadležnih organa, shodno odredbi člana 227. stav (2) Zakona o krivičnom postupku Federacije BiH, poslije isteka roka za prijavu na javni konkurs i pregledavanja svih dostavljenih prijava kandidata i priložene dokumentacije (za one kandidate koji budu ispunjavali sve druge propisane uslove). Ukoliko nadležni organi iz određenih razloga ne dostave Komisiji tražene dokaze o ispunjavanju uslova iz tačaka f) i g), kandidati će biti u obavezi da te dokaze, po pozivu Komisije, dostave kada budu pristupili na intervju.

Sa kandidatima koji budu stavljeni na Listu užeg izbora Komisija će obaviti intervju.

Prijave kandidata treba da sadrže adresu stanovanja, e-mail adresu i kontakt telefon.

Javni konkurs će biti objavljen u „Službenim novinama Zeničko-dobojskog kantona“, dnevnom listu „Dnevni avaz“ i dnevnom listu „Oslobođenje“, kao dva dnevna lista koja se distribuiraju na cijeloj teritoriji Bosne i Hercegovine, te će isti biti postavljen i na web stranici Zeničko-dobojskog kantona, www.zdk.ba

Rok za podnošenje prijava je 15 dana od dana zadnjeg objavljivanja konkursa.

Komisija za izbor i imenovanja Skupštine Kantona će:

- pregledati sve prijave koje pristignu u propisanom roku,
- na osnovu principa iz člana 3. Zakona o ministarskim, vladinim i drugim imenovanjima Federacije Bosne i Hercegovine i kriterija za imenovanje sastaviti listu s užim izborom najboljih kandidata koji ispunjavaju sve propisane kriterije za imenovanje,
- pozvati sve kandidate sa liste s užim izborom, odnosno one koji budu ispunjavali sve propisane uslove i budu priložili svu traženu dokumentaciju, na intervju.

*Prijave se dostavljaju lično ili preporučenom poštom sa naznakom „prijava na Javni konkurs za imenovanje članova Nezavisnog odbora - ne otvaraj“ na adresu: **Zeničko-dobojski kanton - Skupština - Komisija za izbor i imenovanja, ulica Kučukovići broj 2, Zenica.***

Neblagovremene i nepotpune prijave neće biti uzete u razmatranje.

PREDSJEDAVAJUĆI

Mladen Simić, s.r.